



Fylkesmannen i Sogn og Fjordane

Sakshandsamar: Tom Dybwad
Telefon: 57643123
E-post: fmsftd@fylkesmannen.no

Vår dato
02.10.2018
Dykkar dato
«REFDATO»

Vår referanse
2018/1310- 432.1
Dykkar referanse
«REF»

Til adressatar i følgje liste

Flostranda naturreservat - framlegg om utviding i medhald av naturmangfaldlova etter prosedyren for frivillig vern

Fylkesmannen sender med dette eit framlegg om utviding av Flostranda naturreservat i medhald av naturmangfaldlova, etter prosedyren for frivillig vern. Utvidinga gjer at det må utarbeidast eit nytt framlegg til verneforskrift basert på ny standard og gjeldande mal for naturreservat. Frist for å kome med merknader før utarbeiding av høyringsframlegget er 10. desember 2018.

Bakgrunn

Sidan St.meld. 25 (2002-2003) «Regjeringens miljøvernpolitikk og rikets miljøtilstand» har frivillig vern, saman med vern på statsgrunn, vore ein av hovudstrategiane for vidare vern av skog i Noreg. Frivillig vern inneber at det er grunneigarane, i samarbeid med skogeigarlaget, som tilbyr staten areal for mogleg vern. Dersom verneverdiane er så store at miljøstyresmaktene finn det interessant, vert det så starta forhandlingar mellom staten og grunneigarane. Det vert då forhandla både om avgrensing, verneforskrift og pris, og det vert ikkje inngått avtale om vern med mindre partane vert samde.

Når det gjeld utviding av Flostranda naturreservat på nedsida av fylkesveg 722 til Flo, så har det samanheng med arbeidet med ny veg med tunnel til bygda Flo. Tiltrådd vegløyning har tunnelinnslag i vest inne i naturreservatet, slik at om lag 10 da må gå ut av naturreservatet. For å tilrå dette alternativet som grip inn i Flostranda naturreservat har Fylkesmannen føresett at det kjem erstatningsareal. Vi er svært godt nøgde med tilbodet om utviding på 35,5 da på nedsida av vegen vest for Marsåna frå grunneigarane i Flo. Fylkesmannen sende 19.04.2018 eit framlegg om grenseendring med reduksjon av Flostranda naturreservat med om lag 10 dekar.

Områdevern er ikkje berre ei sak mellom grunneigarar og miljøstyresmakter. Som for tradisjonelle verneprosessar er det difor viktig med ei offentleg høyring der også andre instansar og samfunnsinteresser kan kome med merknader. Naturmangfaldlova §§ 41 og 42 krev også at alle som vernet vedkjem vert informerte når vernearbeidet tek til, slik at dei i god tid før høyringa er best mogleg informerte om korleis det planlagde verneområdet vil kunne gripe inn i deira interesser. Dette er ikkje mindre viktig ved frivillig vern, der forhandlingane med grunneigarane allereie har kome langt når den formelle delen av prosessen startar opp.

Føremålet med dette brevet er såleis å informere om prosessen som no startar opp etter naturmangfaldlova, og å innleie til god medverknad frå aktuelle partar og få innspel til arbeidet med vernesaka.

Aktuelt verneområde

Den planlagde utvidinga av Flostranda naturreservat (sjå vedlagde kart) omfattar både fylkesveg 722 med vegkantar og areal på nedsida av fylkesvegen ned til Oppstrynsvatnet, i området frå elva Marsåna og vestover til teigar som høyrer til Veslebygda, om lag 35,5 dekar. Flostranda naturreservat ligg i Stryn kommune. Sjå elles vedlagt detaljkart og oversiktskart. Oversiktskartet viser også areal som er planlagt ut av naturreservatet som følgje av bygging av ny tunnel til Flo på Fv 722.

Det planlagde verneområdet gjeld gnr/bnr 7/1, 7/2, 7/3, 7/4, 7/5, 7/6 og 7/9.

Verneverdiar

Flostranda naturreservat vart oppretta 13.09.1991 for å ta vare på ein svært verdfull edellauskog. Verneverdiane i Flostranda naturreservat er godt kartlagde og er godt kjende, sist oppdatert i 2001, og har fått samleverdi «svært viktig - A». Registreringane i Naturbasen omfattar også det aktuelle tilbodsområdet på nedsida av fylkesveg 722. I tilbodsområdet er det m.a. registrert dei raudlista artane liten ramsløkflue (NT), stavklokke (NT) og alm (VU). Sjølve fv 722 med vegkantar vart kartlagd i 2015 av Miljøfaglig Utredning i samband med ny vegplan for fv 722, og fekk verdien viktig – B. Samla sett vert naturverdien av tilbodsområdet i overgangen mellom A og B.

Verneform

Som utviding er av Flostranda naturreservat er det naturreservat som er den aktuelle verneforma i utvidingsområdet. Naturreservat er ei streng verneform etter naturmangfaldlova, og § 37 i lova seier kva som er grunnlaget for eit naturreservat:

«§ 37.(naturreservater)

Som naturreservat kan vernes områder som

- a) inneholder truet, sjeldan eller sårbar natur*
- b) representerer en bestemt type natur*
- c) på annen måte har særlig betydning for biologisk mangfold*
- d) utgjør en spesiell geologisk forekomst, eller*
- e) har særskilt naturvitenskaplig verdi*

Som naturreservat kan også vernes et område som er egnet til ved fri utvikling eller aktive gjenopprettingstiltak å få verneverdier som nevnt i første ledd.

I et naturreservat må ingen foreta noe som forringer verneverdiene angitt i verneformålet. Et naturreservat kan totalfredes mot all virksomhet, tiltak og ferdsel. I forskriften kan det gis bestemmelser om vern av kulturminner i reservatet.

Treffes vedtak om reservat som krever aktive gjenopprettingstiltak, eller vedtak om reservat der bruk er en forutsetning for å ivareta verneformålet, skal det samtidig med vernevedtaket legges frem et utkast til plan for skjøtsel for å sikre verneformålet. Planen kan omfatte avtale om bruk av arealer, enkeltelementer og driftsformer. Planen eller avtalen kan inneholde bestemmelser om økonomisk godtgjørelse til private som bidrar til områdets skjøtsel.»

Innspel til oppstartmeldinga

Det kom fire innspel til oppstartmeldinga.

Norges vassdragas- og energidirektorat - NVE melder at dei har ingen innspel til saka.

Direktoratet for mineralutvikling skriv at «i følgje kartdatabasane frå Noregs geologiske undersøking (NGU), er det ikkje registrert viktige mineralressursar innanfor eller i nærleiken av verneområdet. Om ny kunnskap i framtida viser at det finst viktige førekomstar av mineralske ressursar i verneområda, må eventuell uttak av desse førekomstane vurderast konkret i kvart enkelt tilfelle ut i frå det generelle dispensasjonsføresegnene i naturmangfaldlova § 48. DMF kan ikkje sjå at det føreslegne

verneområdet rører registrerte mineralressursar. Vi har derfor ingen ytterlegare kommentarar til saka men ber om å bli orientert i vidare verneprosess.»

Statnett skriv at dei har ingen anlegg som er berørt av planane og har derfor ingen merknader. Då det kan sjå ut som at Stryn Energi har regionalnett/luftlinje nede ved Fv 722, bed dei om at Stryn Energi får saka på høyring.

Stadnamntenesta på Vestlandet meiner at namnet Flostranda er godt dekkjande for heile det aktuelle området.

Det er såleis ikkje kome innvendingar mot planane om å utvide Flostranda naturreservat. Stryn Energi As er ført opp som høyringspart.

Verneforskrift

Ved oppretting av eit naturreservat vert det utarbeidd særskilde verneforskrifter som fortel kva for restriksjonar som vert lagde på aktivitetar i området. Flostranda naturreservat vart oppretta etter den gamle naturvernlova som i 2009 vart erstatta av naturmangfaldlova. Utviding av Flostranda naturreservat må skje i medhald av naturmangfaldlova, og verneforskrifta vil då bli oppdatert etter ny mal for naturreservat, utan at restriksjonsnivået vil bli endra. Framlegget til ny verneforskrift tek såleis utgangspunkt i standard mal for naturreservat, og så langt som mogleg er punkt frå gjeldande forskrift teke inn. Det er teke inn nokre tilleggspunkt av omsyn til bygging av ny Flotunnel på Fv 722. Det gjeld at dagens trasé for Fv 722 kan brukast som bilveg fram til den nye vegen med tunnel til Flo vert opna for trafikk, og at det kan gjerast tiltak for å kunne bruken dagens veg som turveg og sykkelveg.

Når dette framlegget til utviding av Flostranda naturreservat vert send på høyring, er det ikkje avklart mellom Statens vegvesen og Stryn kommune om det er aktuelt at dagens veg til Flo skal kunne brukast dersom Flotunnelen vert stengd (t.d. pga ras og steinsprang). Fordi ei verneforskrift ikkje kan gjerast strengare etter at ho er send på høyring, er dette punktet ikkje med i framlegget til verneforskrift. Dersom Stryn kommune og Statens vegvesen vert samde om at dagens fylkesveg til Flo skal vere tilgjengeleg dersom, vil Fylkesmannen ta inn eit punkt i verneforskrifta om at dagens veg til Flo skal kunne brukast dersom ny Flotunnel vert stengd.

Stryn kommune opplyser at Stryn Energi har teke opp at kraftlinja som går gjennom naturreservatet vil bli lagt i den nye Flotunnelen, slik at eksisterande kraftlinje med master (i tre og betong) kan fjernast. Dette er teke omsyn til i verneforskrifta.

Grenser

Vedlagte kart (vedlegg 1) viser kva for område utvidinga på ca. 35,5 dekar gjeld.

Som nemnt tidlegare i dette brevet sende Fylkesmannen 19.04.2018 på høyring eit framlegg om å redusere Flostranda naturreservat med ca. 10 dekar i grensa mot Veslebygda. Området det gjeld går fram av oversiktskartet over Flostranda naturreservat, sjå vedlegg 2. Etter grenseendringane vil Flostranda naturreservat vere på ca. 1830 da (utrekna frå nye digitale kart, som er meir nøyaktig enn tidlegare).

Eigedomstilhøva vert ikkje endra ved oppretting av naturreservat.

Brukarinteresser

Fylkesveg 722 er i dag bruk som bilveg mellom Veslebygda og Flo. Dagens veg vil bli nedlagt som bilveg når den nye vegen med tunnel er ferdigbygd. Kva som elles vil skje med dagens veg når den nye vegen med tunnel er bygd vil bli avgjort av Stryn kommune og Statens vegvesen. Vegen er aktuell

som turveg om sommaren slik at ålmenta kan oppleve edellauvskogen i Flostranda. Det må gjerast noko oppryddingsarbeid når dagens veg ikkje lenger er i bruk som bilveg. Fv 722 i dagens trase må kunne brukast som bilveg fram til den nye Flotunnelen er opna.

Den gamle ferdselsvegen frå Flo mot Marsåna over dagens bilveg er aktuell som turveg i naturreservatet. Det går også ein tilkomststi rett opp frå Fv 722 til den gamle ferdselsvegen. Stien og den gamle ferdselsvegen er delvis merkt, og har vore rydda for nokre år sidan.

Ein grunneigar har uttrykt ønskje om å kunne rydde ein sti frå dagens veg ned til Oppstrynsvatnet og lage ein gapahuk her.

Erstatning

Etter § 50 i naturmangfaldlova har eigar eller rettshavar i område som vert verna som naturreservat rett til erstatning for økonomisk tap når vernet fører til vanskeleggjering av igangverande bruk. Ved frivillig vern følgjer ein derimot ikkje den ordinære framgangsmåten ved fastsetjing av erstatning som er omtalt i § 51. Frivillig vern er basert på at partane har vorte samde, også om erstatninga. Difor kan erstatningssummane utbetalast så snart området er verna, utan å vente på dei fristane som er omtalte i § 51.

Namn

Namn på verneområdet er til vanleg ein del av verneplanprosessen. I dette tilfellet er det naturlege å vidareføre Flostranda naturreservat som namn på verneområdet.

Saksgang vidare

Frist for å kome med fråsegn og merknader til framlegget om utviding av Flostranda naturreservat vert sett til

10. desember 2018.

Fylkesmannen har gjennomført synfaring med grunneigarane i området og Stryn kommune før dette framlegget vart sendt på høyring. Det kan vere aktuelt med møte/synfaring før Fylkesmannen sender si tilråding til Miljødirektoratet.

Etter at planen har vore på høyring, vil Fylkesmannen oppsummere alle fråsegner og innspel, og vi reknar med at vi innan 31.03.2019 i år vil sende tilrådinga vår til sentrale styresmakter, som vil leggje planen fram til endeleg avgjerd i Regjeringa (Kgl. res.), slik at vedtak truleg kan skje i juni 2019.

Fylkesmannen legg elles opp til at dei to sakene med høvesvis utviding av Flostranda naturreservat og reduksjon av naturreservatet vil følgje kvarandre sånn nokolunde i tid. T.o. gjer vi merksam på at dersom bygging av den nye fylkesvegen med tunnel til Flo er aktuelt før vedtaket om reduksjon er gjort, vil Fylkesmannen kunne gi dispensasjon med tilvising til dei pågåande prosessane med Flostranda naturreservat.

Adresselister

Dette brevet er sendt ut til grunneigarar og rettshavarar i det aktuelle området, lokale, regionale og nasjonale instansar og organisasjonar som kan ha interesse av planarbeidet.

Vi ber om forståing og orsaking for om det skulle vere feil og manglar ved adresselistene, og ber samstundes om tilbakemelding på slike manglar eller feil til Fylkesmannen ved sakshandsamar.

Informasjon

Spørsmål om planarbeidet kan rettast til

- seniorrådgivar Tom Dybwad, tlf 57 64 31 23, e-post fmsftd@fylkesmannen.no

Skriftlege innspel sendast til

Fylkesmannen i Sogn og Fjordane, Njøsavegen 2, 6863 Leikanger eller på e-post

fmsfpostmottak@fylkesmannen.no

Med helsing

Nils Erling Yndesdal
fylkesmiljøvernsljef

Tom Dybwad
seniorrådgjevar

Brevet er godkjent elektronisk og har derfor ikkje underskrift.

Vedlegg:

- Kart over framlegg til utviding av Flostranda naturreservat
- Kart over framtidig Flostranda naturreservat
- Framlegg til ny verneforskrift for Flostranda naturreservat

Adresseliste:

Martin Flo (gnr/bnr 7/1), 6783 Stryn, martin.flo1@icloud.com

Kolbein Fridtun (gnr/bnr 7/2 og 7/7), 6783 Stryn, kolfri@gmail.com

Jon Nedre Flo (gnr/bnr 7/3), 6783 Stryn, jon.nedreflo@enivest.net

Egil Reidar Flo (gnr/bnr 7/4), 6783 Stryn

Tor Hofrenning (gnr/bnr 7/5), Nybøvegen 7, 6783 Stryn, tor.hof@online.no

Lisbet Aarnes (gnr/bnr 7/6), Årnes, 6799 Oppstryn, lisbet.aarnes@enivest.net

Bjørn Inge Flo (gnr/bnr 7/9), 6783 Stryn, bjorn.inge.flo@enivest.net

Leif Magne Ljåstad (gnr/bnr 3/1) Observatorievegen 10, 2743 Harestua, leif.ljastad@gmail.com

Kolbein Nesheim v/ Jan Kristian Takvam (gnr/bnr 4/1), post@advokat-takvam.no

Geir Ove Lindvik (gnr/bnr 5/1), Veslebygda, 6783 Stryn, geir.lindvik@gmail.com

Arve Lindvik (gnr/bnr 5/2), Veslebygda, 6783 Stryn, arve.lindvik@enivest.net

Kjell Steinar Lindvik (gnr/bnr 5/4), 6783 Stryn, steinar_kjell@hotmail.com

Magni Fure (gnr/bnr 6/1), Åsaberget 3, 6823 Sandane, magfure@online.no

Stian Fure (gnr/bnr 6/1), 6783 Stryn/, stian.fure@gmail.com

Roger Øren (gnr/bnr 6/2), Fure, 6783 Stryn, roger.oren@enivest.net

Asbjørn Fure (gnr/bnr 6/3), Veslebygda 6783 Stryn, asbjorn@stryneiendom.no

Gerd-Jorunn Yttergård (gnr/bnr 6/4) 6783 Stryn, g.j.y@hotmail.com

Stryn kommune, postmottak@stryn.kommune.no

Stryn Bondelag v/ leiar Bjørn Magnus Rørtveit, skihella@online.no

Stryn Bonde- og Småbrukarlag v/ leiar Arne Sølvsberg arnsoelv@frisurf.no

Stryn og Hornindal jeger- og fiskarforbund v/ leiar Olav Andersbakken, oandersbakken@gmail.com

Indre Nordfjord Turlag, v/ Olav Auflem, olav.auflem@enivest.net

Stryn Energi AS, postmottak@stryn-energi.no

Sogn og Fjordane fylkeskommune, post@sfj.no

Vest Politidistrikt, post.vest@politiet.no

Høgskulen på Vestlandet v/ avd. for naturforvaltning, Sogn og Fjordane, post@hvl.no
Naturvernforbundet i Sogn og Fjordane, sognogfjordane@naturvernforbundet.no
Norges Jeger- og Fiskerforbund NJFF Sogn og Fjordane, sognogfjordane@njff.no
Norges vassdrags- og energidirektorat, region vest, rv@nve.no
Sogn og Fjordane Bondelag, sogn.fjordane@bondelaget.no
Sogn og Fjordane Bonde- og Småbrukarlag, sognogfjordane@smabrukarlaget.no
Sogn og Fjordane Skogselskap, brandsoyplanteskule@gmail.com
Sogn og Fjordane Turlag, sft@dnt.no
Forum for natur og friluftsliv Sogn og Fjordane, sognogfjordane@fnf-nett.no
Sogn og Fjordane avd. NOF v/Anders Braanaas, anders.braanaas@eninvest.net
Visit Nordfjord, mail@nordfjord.no

Statens vegvesen region vest, firmapost-vest@vegvesen.no
Forsvarsbygg, postmottak.arkiv@forsvarsbygg.no
Norges jeger- og fiskerforbund, njff@njff.no
Technogarden (nødnett), firmapost@technogarden.no
Norsk organisasjon for terrengsykling - NOTS, kontakt@nots.no
Stadnamntenesta på Vestlandet, post@sprakradet.no
Statnett, firmapost@statnett.no
Avinor, post@avinor.no
Direktoratet for mineralforvaltning, mail@dirmin.no
Universitetsmuseet i Bergen, post@um.uib.no
Den Norske Turistforening, DNT, info@turistforeningen.no
Det Norske Skogselskap, info@skogselskapet.no
Fortidsminneforeningen, post@fortidsminneforeningen.no
Luftfartstilsynet, postmottak@caa.no
Norges geologiske undersøkelse (NGU), ngu@ngu.no
Norges Naturvernforbund, naturvern@naturvernforbundet.no
Norges Skogeierforbund, post@skogeier.no
Norsk institutt for Naturforskning NINA, firmapost@nina.no
Norsk ornitologisk forening (NOF), nof@birdlife.no
Norsk Skogbruksforening NORSKOG, firmapost@norskog.no
Riksantikvaren, postmottak@ra.no
SABIMA, sabima@sabima.no
Universitetet i Bergen, Geologisk institutt, post@geo.uib.no
Verdens Naturfond (WWF Norge), wwf@wwf.no

Kopi pr. e-post m/vedlegg:

Miljødirektoratet, post@miljodir.no


Vestskog, post@vestskog.no

Klima- og miljødepartementet, postmottak@kld.dep.no

Vedlegg 1. Flostranda naturreservat – kart over utvidingsområde



Vedlegg 2. Kart over Flostranda naturreservat (heile)



Vedlegg 3. Framlegg til verneforskrift for Flostranda naturreservat**Forskrift om vern av Flostranda naturreservat, Stryn kommune, Sogn og Fjordane (framlegg)**

Fastsett ved kongeleg resolusjon ??????? 2019 med heimel i lov 19. juni 2009 nr. 100 om forvaltning av naturens mangfald (naturmangfaldlova) § 34 jf. § 37 og § 62. Fremja av Klima- og miljødepartementet.

§ 1. (føremål)

Føremålet med vernet er å ta vare på eit edellauvskogsområde med sær gode lokalklima- og jordbotntilhøve som står i ei særstilling i Noreg på grunn av storleiken, artsrikdomen og mangfaldet i skog- og vegetasjonstypar. Føremålet er og å verne området med heile sitt biologiske og geologiske mangfald.

Det er ei målsetjing å ta vare på verneverdiane i mest mogleg urørd tilstand, med stadeigne artar og naturtypar og naturleg skogdynamikk, og eventuelt vidareutvikle dei.

§ 2. (geografisk avgrensing)

Det verna området femnar om heile eller delar av følgjande gnr/bnr: 3/1, 4/1, 5/1, 5/2, 5/4, 6/1, 6/2, 6/3, 6/4, 7/1, 7/2, 7/3, 7/4, 7/5, 7/6, 7/7, og 7/9.

Naturreservatet dekkjer eit totalareal på ca. 1830 dekar. Grensene for naturreservatet går fram av kart datert Klima- og miljødepartementet ???? 2019. Dei nøyaktige grensene for naturreservatet skal merkast i marka. Knekkpunkta skal koordinatfestast.

Verneforskrifta med kart vert oppbevart i Stryn kommune, hos Fylkesmannen i Sogn og Fjordane, i Miljødirektoratet og i Klima- og miljødepartementet.

§ 3. (vernereglar)

I naturreservatet må ingen gjere noko som skadar verneverdiane som går fram av føremålet med vernet.

I naturreservatet gjeld følgjande vernereglar:

- a) Vegetasjonen, medrekna daude buskar og tre, er verna mot skade og øydelegging. Det er forbode å fjerne tre, planter eller plantedelar og sopp inkludert lav eller deler av disse frå naturreservatet. Nye planteartar må ikkje innførast. Granplanting og treslagskifte er ikkje tillate. Planting eller såing av tre og annan vegetasjon er forbode.
- b) Dyrelivet, medrekna reirplassar og hiområde, er verna mot skade, øydelegging og unødig forstyrring. Utsetting av dyr er forbode.
- c) Det må ikkje setjast i verk tiltak som kan endre naturmiljøet, som f.eks. oppføring av bygningar, anlegg, gjerder, andre varige eller mellombelse innretningar, parkering av campingvogner, brakker e.l., opplag av båtar, framføring av luftleidningar, jordkablar, kloakkleidningar, bygging av veger, drenering eller anna form for tørrlegging, uttak, oppfylling, planering eller lagring av masse, utføring av kloakk eller anna konsentrert ureining, etterlating av avfall, gjødsling, kalking eller bruk av kjemiske plantevern- eller skadedyrmiddel. Forsøpling er forbode. Opplistinga av tiltak er ikkje uttømande.
- d) Bruk av naturreservatet til større arrangement er forbode.
- e) Bålbrenning er forbode.

§ 4. (generelle unntak frå vernereglane)

Vernereglane i § 3 andre ledd er ikkje til hinder for:

- a) Beiting. Forvaltningsstyresmakta kan fastsetje reglar for beite i reservatet dersom dette er naudsynt for å unngå vesentleg skade eller endringar i vegetasjonen.
- b) Sanking av bær og matsopp.
- c) Jakt og fangst i samsvar med gjeldande lovverk.
- d) Felling av store rovdyr i samsvar med gjeldande lovverk.
- e) Utplassering av saltstein for husdyr
- f) Vedlikehald av eksisterande bygningar, gapahukar, jakttårn, stiar, bruer og andre anlegg og innretningar, i samsvar med tilstand på vernetidspunktet.
- g) Merking og rydding av eksisterande stiar etter retningslinjer i forvaltningsplan.
- h) Rydding av stiar for ferdsel og sanking av beitedyr etter retningslinjer i forvaltningsplan slik at dei kan haldast opne etter vindfall og liknande.
- i) Fjerning, rydding under og vedlikehald av eksisterande kraftlinje.

§ 5. (regulering av ferdsel)

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:

- a) Motorferdsel er forbode, medrekna landing og start med luftfartøy.
- b) Utanom eksisterande vegar og stiar vist på vernekartet, er bruk av sykkel, hest og kjerre, og riding forbode.

§ 6. (generelle unntak frå ferdselsreglane)

Ferdselsreglane i § 5 er ikkje til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsaugemed, og gjennomføring av skjøtsels- og forvaltningsoppgåver som er bestemt av forvaltningsstyresmakta. Unntaket gjelder ikkje øvingsverksemd.

Ferdselsreglane i § 5 andre ledd er ikkje til hinder for:

- a) Motorferdsel på eksisterande Fv 722 fram til ny Fv 722 gjennom Flotunnelen er opna.
- b) Naudsynt motorferdsel i samband med uttransport av sjuke og skadde bufe. Køyretøy som vert nytta skal være skånsamt mot markoverflata. Det skal gjevast melding til ansvarleg oppsyn for verneområdet i forkant av køyring.
- c) Landing og start med Forsvaret sine luftfartøy.

§ 7. (spesifiserte dispensasjonsreglar)

Forvaltningsstyresmakta kan etter søknad gi dispensasjon til:

- a) Tiltak langs og på gamle fylkesveg 722 som går gjennom naturreservatet.
- b) Omlegging og fjerning av eksisterande kraftlinje.
- c) Hogst og annan tradisjonell bruk av området, og motorferdsle i samband med dette.
- d) Tiltak i samband med forvaltning av vilt og fisk.
- e) Istandsetjing av bygningar, steinmurar, bruer og andre kulturminne etter samråd med kulturminnestyresmaktene
- f) Bygging av nye klopper til erstatning for gamle
- g) Oppsetting av nye fleirårige gapahukar og jakttårn dersom viltet (hjortedyr) endrar trekk.
- h) Gjenoppføring av bygningar, anlegg eller innretningar som er gått tapt ved brann eller naturskade, og naudsynt motorferdsel for dette.
- i) Merking og rydding av nye stiar og oppsetting av turpostar.
- j) Tilretteleggingstiltak på eksisterande stiar.

- k) Ringbarking og felling av gran, platanlønn og framande artar på Svartelista etter retningslinjer i forvaltningsplan.
- l) Bruk av naturreservatet i miljøtilpassa reiselivsverksemd etter plan godkjend av forvaltningsstyresmakta.
- m) Naudsynt motorferdsel i samband med aktivitetar nemnd i § 4 h og i, og § 7 a, b, c, d, e og f .

§ 8. (generelle dispensasjonsreglar)

Forvaltningsstyresmakta kan gjere unntak frå forskrifta dersom det ikkje strir mot føremålet med vernevedtaket og ikkje kan påverke verneverdiane nemneverdig, eller dersom omsyn til tryggleik eller omsynet til vesentlege samfunnsinteresser gjer det naudsynt, jf. naturmangfaldlova § 48.

§ 9. (skjøtsel)

Forvaltningsstyresmakta, eller den forvaltningsstyresmakta bestemmer, kan setje i verk tiltak for å oppretthalde eller oppnå den natur- eller kulturtilstanden som er føremålet med vernet, jf. naturmangfaldlova § 47.

§ 10. (forvaltningsplan)

Det kan utarbeidast forvaltningsplan med nærare retningslinjer for forvaltning av naturreservatet. Forvaltningsplanen kan innehalde nærare retningslinjer for gjennomføring av skjøtsel.

§ 11. (forvaltningsstyresmakt)

Miljødirektoratet fastset kven som skal vere forvaltningsstyresmakt etter denne forskrifta.

§ 12. (ikrafttreding)

Denne forskrifta trer i kraft straks.